



蘇魏公文集卷第二十九

外制

中書試制誥三道

御史中丞除河陽三城節

中書舍人除壽州觀察使

誠羣臣舉任必以賢詔

皇族出官勅詞

翰林侍講學士尚書禮部侍郎集賢殿修撰范

鎮可依前官充翰林學士

卷二十九

一

陸源送國子監

沈緒成于湖州陸源捐送國子監之書置臧南學

觀文殿學士吏部尚書趙概可太子少師致仕  
侍御史張紀可司封員外郎

屯田郎中權發遣三司度支判官吳幾復可都

官郎中

都官郎中集矣校理吳彥先可司封郎中

侍御史呂景可司封員外郎

岐王府記室叅軍尚書度支員外郎直史館李

育可司封員外郎

翰林學士右諫議大夫知制誥滕甫可給事中

充翰林侍學學士知瀛州

右諫議大夫李肅之可依前官充天章閣待制

權知開封府

虞部郎中張允可比部郎中

前屯田郎中王覺前殿中丞素庭芝前著作佐

郎侍其璋可並旧官服闋

屯田員外郎李鑑可都官員外郎虞部員外郎

黃宋卿可比部員外郎

職方員外郎董公亮可屯田郎中比部員外郎

馬中庸可駕部員外郎也田員外郎  
黎持正可都官員外郎國子博士司  
卞盛和仲可並虞部員外郎太子中  
駕部員外郎李茂先可虞部員外郎也田員外  
郎馮稹可都官員外郎虞部員外郎  
蔣儉可比部員外郎

前石州方山縣令王佐可著作佐郎前泗州  
昭縣令吳天常睦州司馬法參軍前  
監温州在城商稅務傅燮可並授大

理寺丞

前權潤州觀察推官方仲謀前山南西道節度  
推官郭子彥可並大理寺丞前叔知  
魏州軍事推官譚仲行可著作佐郎

前賀州錄事參軍夏侯戡可太子中舍致仕

前祕書省校書郎胡行修可旧官服闋

太常少卿李猷卿遺表男景真可試將作監主

簿

皇城使向宝可貴州刺史依旧皇城使內殿崇

班閣門祇候段充可內殿承制餘依舊

文思副使王慶可左藏庫使

供備庫副使王諤可西京左藏庫副使

前內殿承制李從吉可白官服闋

前隴州錄事參軍賈選可澶州別駕致仕

涇州管內觀察使舒國公從式奏百姓醫人李

詢可試國子四門助教不理選限

迴鶻國進奉大使李延吉可右監門衛將軍

葦村族軍主李懷惠可本族都軍主

中書試制詔三道

御史中丞除河陽三城節度使制

門下中執法之官內以肅正于朝寀十連帥之位外以搃馭于藩方非有浚明之良曷膺東注之命出為屏翰特設寵章具官某姿度清夷學縕懿至言足以折衆論宏略足以慮四方詳試事為寢觀明效頃推才于衆特俾長正于臺端伏奏青蒲動協盡公之義繩違白簡時推司直之風朕方綏御遐迩講求政實

文武之道聖賢嘗述于弛張將帥之臣漢世亦求于  
左右眷盟津之鯨壘控朔道之衿喉遂輟謨謀之矣  
往分節制之重授以戎律殿茲捍城於呼色正立朝  
爾既得為儒之效出封加等予方示注意之私論七  
真宜先于安民長萬夫亦可以觀政祇服休命益圖  
懋勳可

中書舍人除壽州觀察制

勅唐制觀察使統領一道廉察列邦亦古牧伯之位  
也故大臣出鎮近侍剖符實更需焉其寄重矣近世

以來居是職者止視其秩而不綜其治權任雖异而  
息數益隆非得周材未嘗輕授其官某學洞幾先慮  
經世務頃以文章之高第置諸清切之通班七制坦  
明良多潤色之美諸儒論議咸服通精之才是用擢  
自禁塗出分方任畀以壽春之牙節撫于淮右之封  
疆爾其省觀民風勤求治效副予重外之寄佇乃宿  
官之成可

誠羣臣舉任必以賢詔

勅臯陶之謨于虞日在知人在安民然則致治之原

在乎安民為本欲黎民之安者非得其人而委之治則主澤靡宣欲人材之叙者非選于眾而舉所知則治功莫逮聖賢相戒以為至難故前世天子任大臣一一擇長吏一一辟屬僚皆所以同寅協恭上下交濟使野無遺美之嘆而朝有明良之詠治之至也朕甚慕焉頃者屢詔中外之臣各奔其能之士而進任一一奈還愚哲混淆將何以副朕寤寐之求為時正幹之用重敷明訓使諭至怀自今被命荐才當官任使宜各思于公舉且彙別于人流牧民者必擇循良之方

將領者務求精敢之類負學者須通于觀爰辦事者可理于剴煩果得其人悉宜上達朕將試之以事觀其所長苟器業之可嘉亦甄褒之何吝倘靡諧于公諧于公議則具有于憲章昔鄴侯成功鄂秋被進封之賞陳湯獲罪張敖蒙既死之誅治古若斯前規可監咨尔有位勿忘盡公

### 皇族出官勅詞

朕奉勅自我祖宗惇叙邦族大則疏封于爵土次則通籍于閭臺並留京師恭奉朝進然而世緒寢遠

皇枝益蕃屬有親疎則恩有隆殺才有美否則祿有  
重輕令而一貫于周行是亦矣分于流別雖睦姻之  
道誠廣而德施之義未周故廷臣數言宰司繼請謂  
宜定正限以等彙朕惟親戚之間經史有訓漢唐之  
世典故具存或以九尊辨尊卑或以五宗紀遠近或  
听推恩而分子弟或許自試而效才能或宗子之矣  
得從科奔或諸王之女自主婚姻盡前世之所行顧  
當今之未備况我朝制作動法先王豈宗室等哀乃  
無定著因俾羣公之合議將為一代之通規載覽奏  
封具陳條目以謂 祖宗昭穆宜從世世之封王公  
子孫抑有親之報若乃服屬之既竭洎于才蕪之  
並優在隨器以甄揚使當官而勉懋至于任子之令  
通婚之儀凡曰有司之常一用外官之法簽言既先  
朕意何疑告于將來遂頒明命噫自義率祖既殊升  
降之文因時制宜斯盡交通之利咨尔宗盟之衆固  
多博識之倫奉承新書當体朕意

翰林學士尚書禮部侍郎集美殿修撰范鎮

可依前官充翰林學士



勅學士職親地顯非他官之擬倫內則承宥命之權  
與外則預清問之訪問向非明于國家之體與夫老  
於文學之流疇克周旋副我優待以爾具官某識通  
器遠內効外和擢于儒林置在禁叙書命西掖則辭  
訓已孚視草北門則論思有助間嘗試以政事故使  
治于輔藩能平易而近民賦中和而樂職不待滿歲  
召還近班眷久待于經闈且垂成于庶史衆譽厥善  
朕嘉乃勤復咨鴻藻之華再入內廷之直夫惟號令  
之慎出猷納之資忠言成筆端澤布天下茲儒者之

榮遇皆爾鎮之踐更益告猷為用符眷倚可

觀文殿學士吏部尚書趙槩可太子少師致

仕

勅夫起儒者而任公卿享高年而歸印綬功名寵祿  
輝煥于一時好德康寧幾備于五福非夫吉履素茂  
聞望特隆克全始終蓋亦鮮矣以爾具官某躬秉一  
德用兼數器文章增典冊之美事業本經綸之才在  
仁宗 英考之朝已推宿哲預机庭宰軸之詔屢告  
嘉謨逮予纂承實輔初政方仰承而尊禮儀委柄而

願間作屏東州甫就燕休之適為時大老尚期洛度  
之來而累章引年抗志弥篤倘諉以事豈曰優矣東  
儲六傳之班上臺三公之亞俾歸榮于里第且遂志  
于養願弥耆太和益享遐壽茲朕所以勤之于卿而  
不妄也可

侍御史張紀可司封員外郎

勅具官某御史紀綱之任治書憲謂之憲端南宮清  
要之司左曹号为華選唯是踐更之美實均出入之  
資以尔擢自文科屢登郡縣之最拔于遠守俾幹賦

財之煩朕嘉其納忠置于言地自參持于臺務能振  
整于事綱方幅屢聞直繩無隱屬訟言之應陟加閱  
之既優移進望郎之華且聯主爵之副且欽承于渥  
命尚思告于謀猷行佇遠裔以副甄用可

屯田郎中權燾遣三司度支判官吳幾復可

都官郎中

勅官具某先 皇帝嘗謂財計之司地要事最艱于  
數易故于劇部為擇佐僚且更久職之科以待不次  
之舉尔幾復實以幹治應乎選求比聞坐曹最号办

職令有司按閱謂尔頃倅边州課登優格自改郎秩  
歲滿三期較其任事之勤並應考功之令中都掌隸  
雖日次遷吏度均財尚仍故守唯尔經術足以飾吏  
文敏足以治煩益思遠猷用副甄擢可

都官郎中集矣校理吳彥先可司封郎中

勅具官某恭惟 先帝留意藝文以謂養育矣才莫  
先儒官館因命承弼並荐所知覆以文詞授之美朕  
者蓋亦衆矣朕嗣位之始尔彥先應詔來上是用試  
內禁置於書林皆所以成 先帝之美也今有司又

言正尔秩郎內凡滿四期較其積勤甫應迁比是用  
昇尔主爵列于左曹亦所以旌服職之勞也夫美者  
之于國家豈待爵祿而後勸惟茲叙進之法蓋亦功  
令之常尔其休承益懋遠業可

侍御史呂景可司封員外郎

勅昔有唐之世由御史而陞省郎者号为清選盖以  
居紀綱之地則糾繩為煩贊喉舌之司則典領為重  
我得佳士俾之迭居以尔具官某文雅清修端方勁  
正早仕州郡廉能之譽聞于時其在朝廷獻納之言

无所隐近名役于州原俾復踐于臺端方倚忠規之  
良邇上年庸之最法當近秩寵以左曹所以勵風節  
之高而副清望之擢也昔刘向有忠臣虽在畎畝猶  
不忘君矧尔踐歷清途進榮華省尚思往訓無忘納  
忠可

岐王府記室參軍尚書度支員外郎直史館

李育可司封員外郎

勅具官某今夫任郎官者以左曹為貴非文館者以  
太史為先而非大雅博達之倫不在優遷兼直之比

勅具官某今遊任之際良亦艰哉以尔早擢甲科荐  
書府台從方守置在王藩使吾親矣日聞道誼之益  
繁尔善哉不懈討論之勤攬攸司之訟年嘉奏課之  
應格進聯主爵之副以增望府之華漸履榮階益收  
後最可

翰林學士右諫議大夫知制誥滕甫可給事

中充翰林學士知瀛州

勅朕東求時彥登置近班內則預基命之謀外則委  
折衝之寄出處虽異眷遇實均方將詳試于事為是

用優加于寵數具官某文學足以濟時用論議足以  
輔朝猷升之擢垣則詞訓擅其美擢于憲座則啟沃  
盡其誠洎進直于復門益見推于善朕朕以瀛閩藩  
會之要朔野災震之餘謀帥惟艱得尔良重趙張之  
治京剝已耘宿名頗牧之班在禁林宜膺間寄對易  
金華之侍仍廷瑣闥之聯俾綏定于一方且盡護于  
諸將夫牧民貴乎安輯守邊務于威懷以尔敏明往  
必有裕佇聞執政之美用副虛懷之咨可

右諫議大夫李頊之可依前官充太天章閣

待制權知開封府

漢制以郡國二千石高第者入守京兆故禪治輦下  
嘗為得人矧予近序之矣久歷雄藩之寄委之尹正  
必有佳声具官某生于名門素號敏達出將漕務入  
佐邦賦心計有餘治績尤著近以河濱地交朔土民  
騷爾朕撫邊疆日勤綏定繕完壁壘安輯民居曾不  
踰時克有成績是用陞雲章秘近之列典玉畿浩穰  
之都豈特旌宥于事勞抑亦佇觀于才美往膺殊渥  
毋贖後勤可

虞部郎中張允可比部郎中

勅具官某朕沿大比之制考庶官之成績其治能進以秩等可以均恩于在位而示勸于至公也今有司以尔有宿官之勤應考課之令宜叙迁于郎列仍故守于州封往復休恩益固後最可

前屯田郎中王竟前殿中丞袁庭芝前著作

佐郎其璋可並白官服闋

勅具官某等服勤效智早列周行銜恤去官近終喪紀日月云邁縞禫已除宜還簪紱之榮來就班聯之

次秩雖不改命則維新勉思移孝之方以旌揚名之效可

屯田員外郎李鑑可都官員外郎虞部員外

郎黃宗卿可比部員外郎

勅具官某等古之在官者久而不迁故有三歲大比之法今之從政者間或無朕故議增年考課之令雖責厚補吳而較勞則同以尔等夙以吏資置之朝序出敷民政益著事功覽齋伐之應條命推恩而進秩勉罔來效副我甄褒可

朕方員外郎董公彥可也田郎中比部員外郎馬中庸可駕部員外郎也田員外郎黎持正可都官員外郎國子博士司卞盛和仲可並虞部員外郎太子中舍張珍可殿中丞

勅具官某設官以等則衆朕有勞者進則羣臣勸歷古為治茲道實先以尔服在朝朕夙推幹裕歲月之效甫臨比最之期闕閱之資亦應叙迁之典遞增美秩用獎久勤益念修方以圖永效可

駕部員外郎李茂先可虞部郎中也田員外郎馮禎可都官員外郎虞部員外郎蔣僅可比部員外

勅具官等等昔有虞之熙衆功也九載而能否別周官之比群吏也三年而治最陞夫授方任能校功書過久則實已廢速則賞或僭四歲迁黜我得其中以尔等夙以吏資仕於朝廷自登郎選屢試政條率朕之勤訖无曠事議年之課且應功進登于右曾示爵能于往效尚思懋勉無忘欽承可

前石州方山縣令王佐可著作佐郎前泗州  
盱眙縣令吳天常睦州司法參軍前監溫  
州在城商稅務變可並授大理寺丞

勅具官某等久從掾令之職咸有幹廉之稱使者交  
章攸司實言尔最次甫應遷科朕親御便廷嘗相  
其質可以才使因而叙迁進屬上臺之聯益思良吏  
之守可

前權潤州觀察推官方仲謀前山南西道節  
度推官郭子彦可並大理寺丞前權魏州

軍事推官譚仲術可著作佐郎

勅具官某士之由選部而非京師者榮政之階漸也  
非計最如格未嘗輕授今荐者以尔有幹蠱之吝而  
有司又言應涉明之典臨引便坐擢為王官尔其益  
思登進之艰終圖遠到之效副我甄任不亦休哉可

前賀州錄事參軍夏侯戡可太子中舍致仕  
勅具官某方強而進不能則止盖仕者之常分也以  
尔服官累久視履寘尤來集銓臺顛還王事其進官  
坊之秩俾從鄉閭之居遂而宴休可謂光寵可



前秘書省校書郎胡行修可旧官服闋  
勅具官某向從京省去執親喪當歲月之再期屬縞  
織之畢祭宜还旧次式漸榮階倘懷報德之誠益念  
移忠之效可

太常少卿李猷卿遺表男景真可試將作監

主簿

勅某乃父任登朝廷秩亞卿曾奄茲淪止當有優恤  
以尔保家之秀俾靈延世之思益慎操修克承餘緒  
可

皇城使尚宝可貴州刺史依旧皇城使内殿  
崇班閤門祇候段克内殿承制依餘舊

勅具官某等夫爵祿班等所以待有勞之臣勞而不  
備何以示劝尔等夙以精悍之質禦于疆候之衝能  
戢種酋稟信威今攬元臣之列剖述成效以良多爰  
嘉乃勤逾增尔秩或恃專城之守或承内著之職俾  
以寵名益重边圉益為優異之典更佇撫綏之謀可  
文思副使王慶可左藏庫使

勅具官某封疆之臣既勤撫輯歲月之勞宜有甄酬

矧帥略之上功頌恩書而豈吝以尔早從武弁寔服  
使聯自擢守于边城能悉心于戎務稔聞治最加有  
年勤内就陞内使之職不易白符之寄益思來效以  
答寵榮可

供備庫使王諤可西京左藏庫副使

勅具官某内使之職副介有等考課之序廷次惟優  
非其累勞豈應明陞以尔夙有以才務武服于禁廷  
數臨外局之繇方督中都之役校年庸而應最職班  
等以陞華更厲尔能以祿斯寵可

前内殿承制李從吉可舊官服闋

勅具官某早登勇爵嘗効边勞俄服親喪既終祥祭  
奉追書而來集还旧次以恭榮服内典之職无忘厥  
守展四方之事佇集尔勞可

前隴州錄事參軍賈選可澶州別駕致仕

勅具官某服勞吏役歷戍郡綱今以老而自言嘉其  
勤之有素俾參州佐之秩以為鄉閭之榮既遂尔私  
是亦優典可

涇州管内觀察使舒國公從武奏百姓匡人

事詢可使國子四門助教不理選限

勅具官某嘗學禁方能通診法近宗候之苦疾訪高  
予以視調屬覽奏封具官言尔力因其藥喜之應假  
以版授之榮祇服新益恩勤善術可

迴鶻進奉大使李延吉可右監門衛將軍

勅具官某代籍西安久陶于聲教朕修方貢不替于  
忠純涉場候以良勤護理琛珍而遠至嘉其誠款需以  
恩章特陞環尹之朕俾重商夷之觀采思恭順以答  
寵嘉可

茨村族軍主李怀德可本族都軍主

勅具官某屬者羗落南侵偏師外禦尔在捍边之列  
自陳折首之功守帥為言累勞可尚特推榮于命秩  
俾率屬于戎豪祇服休恩弗忘忠蓋可

蘇魏公文集卷二十九

蘇魏公文集卷三十

外制

親文殿學士兵部尚書知青州歐陽修可檢校

太保充宣徽南院使判太原府

前戶部尚書叅知政事張方平可依前親充親

文殿學士知河南府

翰林學士右諫議大夫王陶可依前官充侍讀

學士知蔡州

翰林學士承旨兼端明殿學士翰林侍讀學士

給事中知制誥王珪可禮部侍郎

翰林學士守尚書禮部侍郎范鎮可守尚書戶

部侍郎

尚書祠部員外郎充集英殿校理陳絳可度支  
員外郎依旧充職

昭順宣使入內侍省內侍副都知利州刺史  
充本州團練使張茂則可宣政使餘如故

尚書刑部郎中充天章閣待制再任知渭州都  
總管經略安撫使蔡挺可右諫議大夫依前

充天章閣待制令再任

屯田郎中張次立可都官郎中

未復舊官人都官員外郎董經臣可職方員外  
郎

屯田員外郎鄭顛可都官員外郎太常博士陳

紘可屯田員外郎秘書丞彭慥可太常博士

金部員外郎沈扶可司勳員外郎虞部員外郎

張宗道可比部員外郎

屯田員外郎李景融等轉官

秘書丞充三司勾當修造案公事孔嗣宗可太  
常博士餘如故

國子博士李及可虞部員外郎

守殿中丞姚祿可國子博士

前樞大名府推官蘇轍可西京留守推官

西京左藏庫副使高遵裕可依舊西京左藏庫

副使兼閤門通事舍人

皇城副使桑湜可西京左藏庫使

海州副使充本州團練使王振可左千牛衛大

軍海州團練使

西京作坊使知忻州孫京可尚書虞部員外郎

內殿承制王克昌可供備庫副使

內殿崇班任雍可內殿承制

樞密院兵房主事李景先吏房副承旨

東頭供奉官南永可內殿崇班

東頭供奉官竇世隆可率府率致仕

奏奉人前樞知夔州節度推官張擇言等改官

奏奉人前杭州昌化縣令張蒙等改著作佐郎

前權雄州防禦推官張天占前天平軍節度推  
官知逐州逐寧縣韓繹前權府軍事判官張  
禧可並大理寺丞

試秘書省校書郎知海州海豐縣黃長裕可大  
理評事

太子少師致仕趙概奏男光祿寺丞元緒可大  
理寺丞親孫大理評事嗣真可光祿寺丞  
行太常寺奉禮郎席延年可行大理評事  
丁憂人前寧州司戶叅軍楊傳可特免持服充

忠武庫軍節度推官同管勾廊延路机宜文  
字

文林郎守南康軍都昌縣令裴士章等職官知  
縣

德妃苗氏奏過過南郊乞親姪習進士苗仲淵  
可將作監主簿

儒林郎前乾寧軍司理叅軍孟英可試大理評  
事

翰林傳寫代詔承務郎守少府監丞顏和可河

河中府榮和縣太寧廡令

右班殿直孔靖可洛州別駕致仕

登仕郎守利州文學趙象可利州司馬

溪洞高州四甲巡檢田守元男洪惟可錄銀酒

監武元溪洞高州四甲巡檢

河北都轉運司空名揖助教五道

磁州空名州助教二道

蘓魏公文集卷三十

觀文殿學士兵部尚書知青州歐陽修可檢

校太保充宣徽南院使判太原府

勅國家規恢裔邊並建帥領惟河汾之一道搃德統  
之二垂爰資哀路之美往付并門之管仍遷舊府用  
壯粵藩以尔具官某道德文章為時於式謀猷忠亮  
預政累朝自獲解于台司已再更于郡守委遠時柄  
尔雖樂于晏安尊任賢能朕岂忘于鑒寐眷言大鹵  
方擇守臣俾往表海之邦就改近胡之鎮班通四貴



所以褒寵于舊勲節制諸戎所以倚成于外間惟尔  
同寅之德体予注意之隆亟即新州毋辞遠略可

前戶部尚書叅知政事張方平可依前官充

觀文殿學士知河南府兼西京留守同

勅三年之喪聖矣不可踰禮六職之任朝廷所以仰  
成粵予鼎飪之良近闕苴麻之制甫更中月當復通  
規就委居由之权固無中外之制間某官具蘊天人  
相与之學挺金石不移之心被遇累朝極清崇于禁  
復逮予初政遂擢贊于鈞衡適告訐謨俄嬰鉅創服

哀去位久深栗棘之情鑽燧變時已異縞織之祭矧任  
崇於体額方竭佇於猷為姑还草履之朝仍賜玉符  
之寄殿塗秘職盖優异于老成洛宅中圻俾尹釐于  
王會是唯付畀之重式示眷毗之隆宜諒至懷往欽  
成命深務同寅之守副茲注意之勤可

翰林學士右諫議大夫知制誥王陶可依前

官充侍讀學士知蔡州

勅左右之臣內則參毗于國論屏翰之任外則綜輯  
于民經矧予禁復之矣屢啓偃藩之請特擢推宥數

使遂宴安以尔具官某夙節峻凝謀猷敏濟預兩朝  
之言責陪望苑之雋僚肆朕纂承間咨忠益典領臺  
閣嘉言日聞于前宣布中和惠問風傳于下入搃大  
計丹登內庭才幹有為之圖俄聞移疾之告懇辭事  
柄祈析州符既重違于至誠姑為擇于便郡陪京而  
近莫如淮右之優進朕而行遂易金華之秘尔其敷施  
寬政迎導粹和神明泰寧則何羗而不已邦國順否  
當乃心而不忘深体眷懷尚期來膺可

翰林學士承旨兼端明殿學士翰林侍讀學

士給事中知制誥王珪可禮部侍郎

勅惟我 仁祖享國永年盛德成功將傳于萬世備  
言廣記必藉于三長間咨博洽之材入預刊修之職  
筆削之載方覽奏篇之來感愴之餘良嘉善志之美  
以尔具官某文章高第經濟宏才承密命于中庭屢  
聞忠益領諸儒于東觀甫就編研追書四紀之見聞  
大備一朝之典法言觀類例咸自我成惟史氏之懋  
官有前書之白比宗伯典禮天臺貳卿用旌善職之  
勤且慰述先之念欽茲寵渥体我眷懷可

翰林學士守尚書禮部侍郎范鎮可守尚書

禮部侍郎

勅夫廣記備言之書編年系月之史古稱善志時謂  
難才矧乎 仁朝之聖德仁功一朝之文紀武律載  
述之任刊輯良勤既克成于信書宜顯褒于直筆以  
爾具官某識通器遠學富文高內庭嘉猷納之謨東  
觀預編摩之選茲凡起例有古良史之風積思潛精  
成我一王之法奏篇甫上懋賞宜優中臺常伯之聯  
左戶地官之貳叙陞厥秩用獎爾勞往膺廷渥之華

益竚獻為之美可

尚書祠部員外郎充集矣校理陳緯可度支

員外郎依旧充職

勅楊雄稱太史廷所記謂之實錄然則實錄之名蓋  
取夫不虛美而隱惡而為言也今夫紀一朝之典法  
事有巨細辭有詳略載述之際去取良艱必資衆才  
以裨闕漏以爾博學敏用久次詞林往行前言多識  
古義討論于史親助刊約于信書茲例惟精奏篇益  
善序進望郎之秩且旣載筆之勤茂對寵章無忘懋

勉可

昭宣使入內、侍省內侍副都知利州刺史  
充本州團練使張茂則可宣政使餘如故  
勅 先帝之史朕不能輕自丞相至于儒館之士預  
其職者更五六人焉可謂重矣而又擇親任之臣以  
閱掌世務所以敬其謹嚴而無廢闕也以尔其官某  
端良矜恪久恃禁庭典領周旋備觀才致摠史闡之  
政令更歲律之災涼屬其成書嘉乃勤事寵進使名  
之美用增近序之華往服恩章益宣忠蓋可

尚書刑部郎中充天章閣待制再任知渭州  
都摠官經略安撫使蔡挺可右諫議大夫  
依前充天章閣待制今再任

勅朕以平涼之郊搃戎夏之要乃眷西顧每念謀帥  
之艱既得其人良思責任之久就加顯命式壯塞垣  
以尔其官某時才敏明士論嘉美服朝之寵陟天臺  
禁閣者累年由陝而西更漕節將牙者三府矧自殿  
臨于藩阬益能控制于氏羗保障繕完士伍服習方  
倚保邊之重遽聞換郡之求雖諒乃成尚難代其夫

將帥戒乎數易夷狄畏乎宿名宜躡進于右坡俾重  
田于外聞尔其体國深意无憚久勤講邊善謀克終  
厥奮坐恢遠略用副眷怀可

比田郎中張次立可都官郎中

勅具官某六書之學世久不傳文字舛偽通俗交錯  
非夫貫習于古隸誰能訂正于簡編以尔博學名聞  
潜郎歲久游心墳史之暇刻意蒼雅之餘典校鴻都  
既復中經之備体章言字學多沿鏤版而失真刊而  
定之成篇來上嘉其積思寵以一官往惟欽哉膺茲

顯命可

未復舊官人都官員外郎董經臣可取方員

外郎

勅具官某或謂赦非公平之典然而在仕者或在註  
誤而冥于理非有寬宥則廉良之士曷由而洗滌乎  
以尔向典方州縱逸有罪在法當黜度情非它屬遠  
慶霑之恩國有原官之比復完白秩仍列清郎毋以  
一青之微而忽遠固之效可

比田員外郎鄭顛可都官員外郎太常博士

陳紘可屯田員外郎秘書丞彭慥可太常博士

勅具官某士之通籍而服職于外積日累久且四期矣既克成于治效又能遠于過尤茲而不廷何用功善以尔詞學中科選開臺荐者稱其廉勤有有司上千課最咸應恩格宜有甄揚稍進遐一言之榮使有群吏之功体茲恩渥懋乃事功可

金部員外郎沈扶可司勳員外郎虞部員外郎張宗道可比部員外郎

勅聞臺之選者重為郎闕閱之優法當廷秩屬攸司之上課加在事之歷年用示恩褒具如今格以尔具官扶任富吏資之敏任更使事之煩以尔具道宗道地承世胄之華職預計籌之佐咸有善狀應加最條况久陟于省闈宜遞陞于官司等功清列司計右曹嘉尔有勞使之進拜茂對酌庸之命益思任責之艰可

屯田員外郎李景融等轉官

勅具官某郎官為郎者号清要太宰計吏法有黜陞

嘉上課之應條宜甄能而進秩以尔士科擢秀朝會  
參華涖官聞敏給之求稱布政協庶良之善省聞承  
務登踐于六聯息典陟明復于一等服我甄褒之  
渥勉思忠蓋之誠可

秘書丞充三司勾當修造案公事孔嗣宗可

太常博士餘如故

勅具官某夫列朝闈之籍雖以次廷參計省之僚本  
由才選閱乃年資之久嘉其治等之優所宜甄酌稍  
進班級以尔學蘊充茂才資敏明試吏有勞知已言

狀真之大農之屬亦既宿官亦陞以奉常之職聊用  
旌代欽承獎擢之命益思忠良之為可

國子博士李及可虞部員外郎

勅具官某仕宦至尚書郎者在古為要今雖不蒞者  
事後假名秩顧其品列尤為顯華以尔策名清時通  
籍閭著入奉朝請出為民官結課有司校勞累歲擢  
進中臺之序茲為近路之榮祇服恩褒勉勤績用可

守殿中丞姚稱可國子博士

勅具官某國家校羣吏之勞有四載之比雖積日頗

久而辨才益精苟非顯庸不在廷比以尔仕列通籍  
戢吏治民幹敏有聞循廉可任爰覽計書之上当陞  
班著之榮祇服具華勉收治效可

前權大名府推官蘇轍可西京留守推官

勅具官某富文敏學早擢秀科大对危言繼膺清奉  
才講劄于才登助寬析于計條遽有聞陳願從補外  
復優參于兵幕且贊務于田都既遂尔私益思遠用  
可

西京左藏庫副使高遵裕可依白西京左藏

庫副使兼通事舍人

勅具官某惟上閤贊司之職蓋古列清要之途非夫  
材稱顯聞不得無領以示勳門華緒内使宿名久戍  
边防克奮忠毅圖上方略嘗聞善謀守圉封疆方收  
遠績擢預典儀之職用增武爵之榮益思尽規以答  
殊宥可

皇城副使桑湜可西京左藏庫使

勅具官某井絡之野畫為二川帥節抚臨每擇近班  
之彥兵防督護參咨内使之良以尔素練机鈐累更



事任提兵阼右已著能名易地劍南荐分優寄仍進  
京司之長用光蜀道之行休我推息更思謁節可

海州刺史充本州團練使王振可左十年衛

大將軍海州團練使

勅內領諸衛外提國兵視武爵以任高非勞臣而弗  
實將優白望使得兼榮其以尔其官其拳勇之謀早  
司禁旅公忠之守屢試边防閱其年事之侵早有華  
階之寵陞之環列仍彼使权既遂寧于安榮尚不忘  
于報称可

西京作坊使知忻州孫京可尚書虞部員外

郎

勅具官某士之懷才抱器唯所以見用于時然後功  
名可冀岂有文武之異哉尔向尔朝闈荐者謂尔通  
知四夷故易以內使之名而付以边兵之寄屬時先  
事不克設施章言自陳願还故守郎官清要復以命  
尔治人循法皆尔所言宜惟其盡規乃有成效可

內殿承制王克昌可供備庫副使

勅具官某守边之吏以綏靖為功滿秩有勞寵奩何

杏尔内由廷列往護旨限撫字之勤訖无曠累廉平  
之守復道过尤宜進秩于内司用甄能于遠效荷茲  
優典采盡忠規可

内殿崇班任雍可内殿承制

勅具官某夫列戢廷中秩視閨臺之貴提兵塞下任  
均師律之嚴皆右著之優廷非良才而靡稱以尔精  
剛之質久事周行積累之勤亦應比最特以迁承于  
朝制仍往護于師乞益思盡忠乃克任事可

樞密院兵房主事李景先可吏房副承旨

勅具官某宥密之地嚴均公府丞史之任戢專吏門  
雖日次遷尤為遴擇以尔首公勤办在事謹廉嘉績  
久于勤勞當進聯于曾務益思欽順思對恩榮可

東頭供奉官南永可内殿崇班

勅具官某内殿之列秩有二等皆通籍于朝閨而隸  
名乎樞府由三班吏以次迁者校其年資亦已久矣  
唯尔治效有應斯務擢陞序進所以甄勞采堅瘁勤  
用称息獎可

東都供奉官竇世隆可率府率致仕

勅具官某七十致仕禮經之訓也爾為吏有年飭躬  
冥悔碩筋力而難弛它籍裳之可紫嘉其自陳宜有  
優寵陞以東儲之秩俾為居里之榮祇服恩秩足慰  
遲暮可

奏舉人前權知夔州節度推官張擇言等改

官

勅具官某等九卿之屬皆有丞佐視其閑要以為等  
差非得廉良方在茲選以爾等或詞科之秀或世緒  
之華試吏有勞荐章交至宜各因于資籍俾並列于

京師被茲寵擢之優益念公忠之報可

奏奉人前杭州昌化縣令昌蒙等改著作佐

郎

勅具官某在昔明世莫重親民之官肆我治開朝爰  
舉吏之法得人既致懋賞必行以爾術業甚修廉方  
自表久從銓管之調已試宰字之能累歲有勞知已  
言狀擢叙蘭臺之秩漸階高堂之榮益慎持操乃副  
甄獎可

前權雄州防禦推官張天占前天平軍節度

推官知遂州遂寧縣事韓緯前權府州軍  
事判官張禧可並大理寺丞

勅具官某等或決科從仕或延賞入官並有良吏之  
資從外諸侯之幕臺章言狀銓管條勞办職者敏幹  
可稱字民者拊循有效用擢王官之列且丞刑寺之  
職勉思後勤勿渝素守可

試秘書省校書郎知海州海豐縣黃長禧可

大理評事

勅具官某瀕海之郡去朝廷遠甚而寇賊乘險剽掠

使民不得寧居斯長人者之所共病也以尔為令予  
彼能勤厥官親格奸宄遂平宿党擢升京寺之籍用  
勸才勞之臣往復優恩益固後效可

太子少師致仕趙慨奏男光祿寺丞元緒可

大理寺丞親孫大理評事嗣真可光祿寺

丞

勅具官某等大臣請老當推寵異之恩世嗣傳家爰  
錫顯揚之命以尔等早由門調並列京司屬我耆英  
歸休里第特厚延賞之渥遞增祿秩之榮列卿之丞

初任為貴宜勉遵于緒業庶能保于慶宗可

行太常寺奉祀郎席延年可行大理評事

勅具官某任者世祿所以承家官以賞延是亦近古  
復延考陟之比間有次遷之榮循致華階由此始矣  
爾之資履既應于吏條固有彝章當陞于班等往前  
斯渥益念後勤可

丁憂人前寧州司戶叅軍楊傳可特免持服

充武忠軍節度推官同管勾廊延路機宜  
文字

勅具官某親喪之重情不可違王事之嚴礼有權奪  
爾為边州掾以才略聞遭憂免官倚庠行服寧起腰  
于墨經且陞窠于寘筵往典軍書而贊帥略毋堅尔  
恤當體在公可

文林郎守南康都軍昌縣令裴士章等職官

知縣

勅具官某縣令之于民最親也一失其人則下有受  
敝自保任之法興而多以称職聞者甄勞獎善其可  
廢乎唯尔之能實應茲選宜陞寘幕之秩再付邑章

之崇尔其善撫元、克終厥問褒擢之典吾豈吝焉  
可

德妃苗氏奏遇南郊乞親侄習進士苗仲淵  
可將作監主簿

勅某朕親祀郊邱布慶中外眷惟妃戚之族例有賞  
延之科而尔之諸姑朕崇宮掖言尔有立祈寘仕階  
京籍起家勉思宦學可

儒林郎前乾寧軍司理參軍孟英可試大理

評事

勅具官某尔久从選調歷朕掾曹齋闕天官之銓試  
吏丞相之府事稱勤办法應次廷姑從事于奧藩典  
支計于外府宜收課最竝副甄揚可

翰林傳寫待詔承務郎守少府監丞顏和可

河中府滎河縣大寧布令

勅具官某居工技之列托寫照之能執事有年服勞  
可紀因自陳于暮齒願退居于祠官既遂尔私宜勤  
厥守可

右班殿直孔身可洛州別駕致仕

勅具官某尔為吏有勞擢陞任籍效官寡進列廷班  
年未至而告休力不能而知止宜迁州佐之秩使遂  
退居之安既遠尔私是謂優渥可

登仕郎守利州文學趙象可利州司馬

勅具官某登名為吏坐法奪官向叙散曹遭逢大需  
稍遷典午之秩庸示弃瑕之恩可

溪洞高州四甲巡檢田守元男洪惟可銀酒

監武克溪洞高州四甲巡檢

勅具官某介于边裔服我声明屬乃父之云止攬边

臣之列奏命尔襲職特示推恩美秩榮階並優于渥  
澤深溪重險就俾于邏循宜榮忠純用保寵祿可

河北都運司空名揖助教五道

勅漢法使民入粟縣官得以拜爵令尔以貨贖應幕  
州郡得不推恩而獎勸之假秩一命俾為尔榮益思  
良心以對甄渥可

砥州空名助教二道

勅某朕聞民阻飢遣使賑恤且俾土豪之入粟用助  
縣官之賑穷尔財雄州里義服里隣來應募格賴輸

滯藏嘉其嚮勅之誠錫以甄旌之命尚安鄉校足為  
寵光可

蘓魏公文集卷三十

蘓魏公文集卷三十一  
外制

右諫議大夫權御史中丞呂誨可落御史中丞  
依前官知鄧州

翰林學士兼侍讀學士寶文閣學士禮部侍郎  
呂公著可守御史中丞

尚書刑部郎中判三司都理欠憑由司秦玠可  
兵部侍郎

尚書屯田郎中諸王宮紀室蒸紆可都官郎中



王說可左衛將軍駙馬都尉

權濮州團練推官充吳王宮教授羗潛可大理寺丞差遣如故

都官員外郎權發遣三司都磨勘司兼主轄支

收拘收司公事杜訢可職方員外郎差遣如故

比田郎中李杲卿可都官郎中

職方員外陳傳可比田郎中虞部員外郎孫昱可比部員外郎

都官員外郎新差通判南安軍劉炳可職方員外郎差遣如故

虞部員外郎崔復可比部員外郎國子博士徐禎李舜元可並虞部員外郎

殿中丞致仕許敬可虞部員外郎致仕

殿中丞賈忱可國子博士守衛尉寺丞侯可守大理寺丞

大理寺丞晏祇德可右贊善大夫

衛尉寺丞劉士幼可大理寺丞

前權知雲安章判官馮越石前華州下都縣令  
張杲之可並著作佐郎集慶軍節度官前知  
磁州文城縣彭天麟可大理寺丞

袁州分宜縣主簿前監虔州受納板木場兼監  
排岍司刘最淮南節度推官前知鄆州中都  
縣事王仲安可並大理寺丞劍南西川節度  
推官前知梁山軍梁山縣事趙清可著作佐  
郎

前建州建安縣主簿監南劍州石牌場郭綱可

大理寺丞

曹州南華縣尉王洎可太常寺奉禮郎

常州無錫縣尉扈大亮可杭州餘杭縣令

皇叔前右監門衛大將軍克春皇叔前右監  
門率府率克迺克慕皇兄前右武衛大將  
軍崇州團練使仲論可並舊官服闋

前左藏庫副使曹誦西京左藏庫副使曹識  
可並白官服闋

文思副使胡拱可左藏庫副使

文思副使李惟忠可左藏庫副使西京左藏庫  
副使蘇信可文思副使供備庫副使李惟清  
可西京左藏庫副使

左藏庫副使曾繼明可供備庫使西京左藏庫  
副使雍規可文思副使內殿崇班閤門祗候  
王文郁可內殿承制依舊閤門祗候內殿崇  
班韓見素可內殿承制

前文思副使衛克明可舊官服闋

西京左藏庫副使蔚世長劉輔可並文思副使

供備庫副使宋惟渥可西京左藏庫副使

前內殿崇班康昂可舊官服闋

內殿承制王怀淳司充可並供備庫副使

右武衛將軍致仕徐用文可右武衛將軍致仕

內殿承制郭昭誨可供備庫副使

內殿崇班王世安可內殿承制

東頭供奉官陳永齡可內殿承制

東頭供奉官趙渥孫穆之可並內殿崇班

東頭供奉官趙定可率府率致仕

鹵頭供奉官郭右之可右清道率府率致仕右  
侍禁李昭懿可左清道率府率致仕

右侍禁呂嬰可右清道率府副率致仕

守少府監致仕王山民男漸可守將作監主簿

翰林匡學士富州龍平縣主簿潘務本可少府

監主簿餘如故

左諫議大夫知瀛州李肅之奏匡人孔世卿可

試國子四門助教不理選限

秦州東路弓門寨界蕃巡檢副都軍主張抔合

孤可銀酒監武充本族都軍主原州之安寨

白家族都虞候薛乞可銀酒監武充本族

副軍主

右諫議大夫權御史中丞呂誨可落御史中

丞依前官知鄧州

勅御史之職所以表正朝位分判忠邪舉錯或違綱  
領疇寄以尔具官某公鄉華胄文學清流踐履閭臺  
休有風力伏蒲抗論稔聞獻替之嘉冠豸在庭方竚  
猷為之補而屢陳奏牘嘗毀輔臣党小人交太上之  
言肆因上無根之說比令辨析遽服過差四句係朕  
雖務于含容尔奚安于要近姑仍正諫之秩出擁南  
陽之麾噫正色立朝固忠矣之所守言事失實在典

憲之當行既過之則然亦原情而非甚尚從薄責俾  
就外廷勉勵者循究理自訟可

翰林學士兼侍讀學士宝文閣學士禮部侍

郎呂公著可守御史中丞

勅朕惟御史之任內承本朝之風化外為列位之表  
率治古所尚官儀特崇非正人未易稱選以尔具官  
某文章識度諸儒所宗議論丰采中外推伏 先帝  
置之經渥復門掌于命書嘉謨屢告于鄰前善政已  
施于京劇兼是數器可謂大臣唯尔一門公卿三朝

朝侍從久宜登于近用尚有避于當塗况朕方以至  
公待人不疑群下豈以弟兄之任事而廢朝廷之擢  
才矧在 仁祖之時已格親嫌之制臺端之拜無以  
易卿是用輟三學士之清班委中執法之要地尔其  
深体至意言念匪躬自無拘于細文亟往踐于厥位  
肅正朝寀敦厚時風竚觀猷為以輔台德可

尚書刑部郎中判三司都理欠憑由司秦玠

可兵部郎中

勅夫攷功課吏之法雖不足以待非常之人然居官

幹職者歲久而不遷則不免于矣愚同滯之累議年  
進秩其可闕乎尔以具官某識用純明姿韵恬曠廣  
奉使稱治最郡有声正籍郎臺久扞宿官之效贊煩計  
部荐推應務之才始闕吏勞稍陞班等七兵華序實  
冠右曹三使別司尚仍故守毋謂次廷之薄足為階  
漸之榮勉務欽承式副登擢可

尚書屯田郎中諸王宮記室某紆可都官郎

中

勅具官某乃者參擇宿儒為僚官郎使以經藝諭吾

宗親尔以學術之該通從迩臣之保任使專誦功復  
主文書勤且歷年謹于率職攬攸司之上課在恩格  
以應廷即其郎闡陞以班等茂對甄褒之命益思訓  
導之才且俾藩侯樂于為善爾之能事也可不勉  
哉可

王詵可左衛將軍駙馬都尉

勅王姬下嫁詩美車服之隆主壻奉朝唐增崇品之  
貴矧惟先帝之子已正藩侯之儀歷求仕倫克對  
嘉禮以尔具官某出于華胄茂乃素風早服膺于詩

書嘉礼喜親近于儒雅藹然令器見推白門是用擢  
于環列之班參彼副車之駘台司視秩憲坐兼榮用  
光選尚之恩并示褒優之命噫連姻帝室接武外朝  
寵冠一時望高三尉保其祿位當務于矜修久而室  
家更思于抑服畏我訓辭無忘夙宵可

權濮州團練推官充吳王宮教授堯潛可大  
理寺丞差遣如故

勅具官某 先皇帝念宗室之衆多願學校之廢缺  
並擇時彦以為教官宜有勸率之條俾專誦習之益

以尔潛高誼著于東國善誘聞于上庠選自成均寘  
之國師洎傳經而蒞朕加閱歲之屢周教導有倫安  
恬可尚命廷承于鄉屬且旌善于藩僚尔其欽承訓  
我宗屬且無忘 先帝之舉也可

都官員外郎權羨遣三司都磨勘司兼主轄  
支收拘收司公事杜訢可朕方員外郎差  
遣如故

勅夫公卿子弟習聞朝廷之典故周知臺閣之儀範  
擢要任必有能稱盖有唐之白事也以尔具官某



出于名門稔服忠教嘗主臺初近更郡符号為廉平  
克紹前烈向用迩臣之荐超備司計之員析利既精  
議年且久姑緣考課之比稍進右曹之前尔其体家  
益思率厉大尔門太上御名副予寵章可

屯田郎中李杲卿可都官郎中

勅具官某朕遠攬周漢上法 祖宇緣考功課吏之  
程著設年增秩之令所以待有勞之士而加久戩之  
人以尔生於德門任以科選稔聞吏治之奮方貳皇  
華之行積有年庸應我恩格矧累更于郎列復進秩

于中都雖曰汎廷且酌善竅尚仍煩使之曰益懋遠  
圖之休可

戩方員外郎陳傅可屯田郎中虞部員外郎

孫昱可比部員外郎

勅具官某等考陟之典尚矣自有虞之來未之或廢  
蓋酌能比吏功善賞有國之法不可缺焉以尔等  
委質策名居官任戩民政有拊循之效郡網藉闕决  
之明稽閱四期事嘉勞之可錄進班一等亦酌功之  
可存服我恩榮終期報祿可

都官員外郎新差通判南安軍刘炳可駸方  
員外郎差遣如故

勅具官某夫山澤之禁所以佐助大農通貨豐財待  
是而出以尔朝宋之望幹器有聞頃任嶠南專司地  
宝能督州人之役用資園府之供績效甚明賞格斯  
在叙進省曹之秩尚仍倅乘之行祇服息榮勉勤職  
守可

虞部員外郎崔復可比部員外郎國子博士  
徐楨李舜元可並虞部員外郎

勅具官某夫考功課吏之法雖不足以待非常之人  
然士之懷能抱器雜有司不有甄陞何用勸善以尔  
淹歷朝序稔更歲成于法當廷進官有等尔其体我  
息意勤宣政事倘素蘊于才用宜勉力于施為毋曰  
汎廷而薄後寢可

殿中丞致仕許敬可虞部員外郎致仕

勅具官某朝廷推慶賜之澤而不遺退休之人者所  
以旌尚止足而示寵高年也以尔早階仕綴得謝威  
辰兩遊優渥之行未逮叙廷之比特緣往需躡進華

階南宮曾俾榮鄉閔尔其祇率益務保順可

殿中丞賈丞可國子博士守衛尉寺丞侯可  
可守大理寺丞

勅具官某廉能之選早列于任階撫字之求方紆其  
邑綬屬攸司之比課謂滿歲以應條進以一官甄其  
累效勉思勤儆往服恩榮可

大理寺丞晏祇德可右贊善大夫

勅具官某尔以丞相子仕隸京司能持謹循保守門  
法試以幾征之局頗形幹办之称克追过尤有足加

尚攬攸司之會課屬累久之當廷進秩春坊之僚使  
通朝著之藉其思自勉益振緒風可

衛尉寺丞刘士劬可大理寺丞

勅具官某夫任職四歲有勤最而無悔尤不有廷叙  
則士之沉滯者衆矣以尔為丞鄉寺歷試條攸司類  
能加秩有等其進理官之屬益思政治之宜可

前权知雲安軍判官馮越石前華州下都縣

令張杲之可並著作佐郎集慶軍節度推

官前知磁州文城縣彭之麟可大理寺丞

勅具官某等七之由選調而非京師者始用外官之  
保任加復有司之視成最狀上聞便殿臨引賞相其  
績敷納以言然後命之良亦艱矣唯爾闕閱之茂成  
應斯格有加辭章之美茲由科級而仕擢以臺擢秩  
俾為王官漸階通顯之途益慎進趨之守可

袁州分宜縣主簿前虔州受納板木場兼監  
排岍司劉最淮南節度推官前知鄆州中  
都縣事王仲安可並大理寺丞劍南西川  
節度推官前知梁山軍梁山縣事趙清可

### 著作佐郎

勅具官某等或決科從仕或延賞入官益有廉能之  
資俾更易邑之課臺章言狀銓管條勞办職者敏幹  
可稱字民者拊循著效用擢京司之列茲為貴仕之  
階勉思後勤勿渝素守可

前建州建安縣主簿監南劍州石牌場郭綱  
可大理寺丞

勅具官某國家謹山澤之禁非惟專利公上抑亦止  
民爭端官亦有勞賞亦用勅以尔詞科進擢吏調淹

回以閩邑勾稽之員督邠人物地之役五歷年稔倍  
登貨程特廷卿棘之聯蓋尔賞條之信尔其欽率思  
祿是崇可

曹州南華縣尉王洎可太常寺奉禮郎

勅具官某朕以東畿積寇多出曹南故嚴設捕格之  
科以除生聚之患以尔得調銓管往專尉循能奮勇  
謀志擒兇克擢尔京司之秩欲示信賞之行其益祇  
欽以對光渥可

常州無錫縣尉扈大亮可杭州餘杭縣令

勅具官某夫萑葦不戢則閭里靡寧賞典不行則儆  
勸安在以尔調名銓管為吏江湖謹于尉循号有方  
略屬彼寇藪之鄙肆為戎賊之謀一奔成擒羣兇就  
戮嘉其善戢之效寵以長人之官其勉懋于遠裔善  
撫綏于美俗副我甄擢無忘瘁勤可

皇叔前右監門衛大將軍克春皇弟前右監

門率府率克迓克慕皇兄前右武衛大將

軍崇州團練使仲論可並白官服闋

勅具官某孝子念親情何以極惟三年之中制蓋天

下之通表眷吾近宗動必由礼既畢居序之慕宜还拱著之榮以尔慶衍皇支位通閨籍內緣銜恤久去办朝閱寒暑之再離屬縞紵之云粹俾仍白次庸示新恩勉悖信厚之風茂對休嘉之命可

前左藏庫副使曹誦西京左藏副使曹誠可  
可並旧官服闋

勅具官某天下無事兵革不試任武列者咸欲表親以禮所以盡人子孝愛之情也以尔生于慶門早服義訓銜恤去去位粹繹從公斯得孝忠之全宜还位

著之列欽承新渥益勵後圖可

文思副使胡拱可左藏庫副使

勅具官某朕以累朝陵邑邇在澗渥益建官司典領封域尔向由内史祇事真園朕為寢郎累更歲稔朝夕起居之奉無曠尔勞春秋薦告之儀亦恭厥守比代还而言狀嘉往効良之勤稍延主帑之聯茲謂疇庸之命往承優渥益務欽修可

文思副使李唯忠可左藏庫副使西京左藏  
庫副使蘓信可文思副使供備庫副使李

惟清可左藏庫副使

勅具官某等內朝諸司叅設使介所以待材武之士為帥領之基唯謀勇兼資乃副超擢而課應最格此得稍迁尔等勤能守官才任禦侮積日累久之課既應陟書歷階加等之榮復居前列宜益勗于方略且无廢于事勞服我訓言以永終譽可

左藏庫副使曾繼明可供備庫使西京左藏庫使雍規可文思使內殿崇班閤門祇候王文郁可內殿承制依日閤門祇候內殿崇班

閤門承制韓見素可內殿承制

勅具官某夫任者久而不迁則才愚同滯進而不以其效則流品弗甄今有司所以限年而校功循階而進秩者由此道也尔以材武擢于治朝內外煩使之勞訖無曠事歲月荐更之比已應陟書稍陞等于官職且疇庸于代闕往承新渥無怠後勤可

前文思副使衛克明可白官服闋

勅具官某列職禁庭早擅勤恪之裕服喪壘室已終縞禫之期宜釋素冠超还旧制內司之介班等唯優

勉遵移孝之方無怠首公之志可

西京左藏庫副使蔚世長刘輔可益文思副

使

勅具官某內朝諸司並置世介所以視典領之閑劇  
為廷次之等差惟其職儀六號通顯以尔任以才武  
能輯吏勤陞使諸職荐更歲律齋伐來上有勞当廷  
稍增陞級之榮庸示甄疇之渥承茲寵典厲乃公忠  
可

供備庫副使宋惟渥可西京左藏庫副使

勅具官某朕所以屢戒边疆之臣不使生事夷狄者  
誠欲慰安吾民綏靖殊俗也尔向以廷中之籍出監  
嶠外之兵歷稔三周善抚師衆外虞無警成效可嘉  
俾進于使職示不私于賞格往服休命更勵後勤  
可

前內殿崇班康曷可旧官服闋

勅具官某任繇武弁服在朝行屬時偃兵不事祿草  
遘家艰而銜恤遵礼式以行喪歲有其周縞禫云梓  
宜起还于旧次省益念于教忠祇服劄言勉勤職業



可

內殿承制王怀淳司元可竝供備庫副使

勅具官某等武爵之選隸于樞府者是為朝班由此而升諸司馬又為優選雖謬年而進秩亦寓令于擢才尔等資遠逢時官亦久次應是寵格叙跡使聯涖事局者宜勵于廉勤護師屯者益思于訓輯祇服休命勉畜後功可

右屯衛將軍致仕徐用文可右武將衛軍致仕

勅具官某朕初嗣鴻業大賚四方首覃慶息靡限遐遠唯彼引年之類例加增秩之榮以尔給事禁庭夙推勤急退居近甸克享壽康宜沾渙澤之優稍進衛環之列祇服休冠益保餘齡可

內殿承制郭昭誨可供備庫副使

勅具官某夫武爵之設所以待材勇之人才無事時士特以積日而進取然搃戎幹邊皆由此出授任之際良亦難矣以尔克有幹力嘗試事勞較其年勤甫應遷格進陞內使之貳漸履華塗之階无以易進而

自安當念遠謀之可致斯謂勤獎爾其欽承可

內殿崇班王世安可內殿承制

勅具官某夫考課之法議年有等立勳闕閔之最非有文武之殊以爾用早材謀服勤官次淹歷已久庶能可稱且緣服計最之塗進陞朝制之列褒廷之寵勉懋其承可

東頭供奉官陳永齡可內殿承制

勅具官某南海百貨之所萃四方商賈之駢集唯其繇富之會是亦剽盜之招以爾官守遐陬職在循警

能殄除于寇鄙且安慰于民居成效既然推恩何怯往服內庭之籍益思方略之備可

東頭供奉官趙渥孫穆之可並內殿崇班

勅具官某等仕之隸三班者其任使特為躡而廷次又復稽緩然由此而陞內著者蓋積日已久而陳力且多矣以爾服勤吏役能寡過尤應課攸司亦在最等命通聯于殿籍斯漸履于禁階宜益矜修以稱甄錄可

東頭供奉官趙定可率付率致仕

勅具官某夫士貴重量力而進欲知止此士大夫之  
所美也尔居武弁能蹈斯言壯而從官老而謝仕是  
可嘉尚所宜顯褒擢于儲禁之班俾從家居之秩保  
暮齡承茲寵榮可

西頭供奉官郭右之可右清道率府率致仕

右侍禁李昭懿可左清道率府副率致仕  
勅具官某早從職守充集吏勞洎列庭班亦更事任  
自言耄及願獲歸休宜擢進于儲僚俾退居于里閭  
承茲佚老之命慰尔暮塗之勞可

右侍禁呂嬰可左清道率府副率致仕

勅具官某尔以州郡之課得列仕階以歲月之勞屢  
陞班等自言齒髦願謝官榮特廷官率之聯俾遂家  
居之佚可

守少府監致仕王山民男漸可守將作監主

簿

勅某以男某乃父仕宦三品年垂告归閱其久勤延  
以世勞祿以尔早聞家訓克紹素風擢寘京師俾階  
榮路往承新渥可

翰林醫學富州龍平縣主簿潘務本可少府

監主簿餘如故

勅具官某尔以方技之能為王官之首向遊需澤方  
役遊陬歲滿言归慶條具在擢預京司之秩且甄執  
執之勤服我休息益精素業可

左諫議大夫知瀛州李肅之奏  
醫人孔世卿

可試國子四門助教不理選限

勅具官某方技專門診治有法給事帥郎服勤累年  
屬覽奏封之陳上授近侍之比寵以一命足為尔勞

可

秦州東路弓門寨界藩巡檢副都軍主張朴

令狐可銀酒監武克本族都軍主原州之

安寨白家族都虞候薛乞可銀酒監武克

本族副軍主

勅某戡于边候号有才謀俾武過于諸戎且無虞于  
外境藩臣列奏宥命惟行進府帥領之榮采畫封陞  
之效可

心源捐送國子監  
之書匱臧南學

蘓魏公文集卷三十一



Faint, illegible text, likely bleed-through from the reverse side of the page.

